

Zakat elak pemencilan umat Islam

BH-29/11/2006

Oleh Anwar Hussin

KUALA LUMPUR: Pertubuhan Zakat Antarabangsa yang di-segerakan kewujudannya menjadi pemangkin bagi membasmi-kan masalah sosial ekonomi yang membelenggu negara Islam, kata Datuk Seri Abdullah Ahmad Badawi.

Perdana Menteri berkata, Malaysia yang menawarkan diri sebagai tuan rumah bagi pertubuhan itu melihat penubuhannya dapat mengelak sebarang bentuk pemencilan terhadap umat Islam, di samping mempercepatkan proses pembangunan ekonomi secara berterusan.

"Bantuan yang kini disalurkan negara Islam kaya dan individu Islam kepada negara kurang maju kebanyakannya berbentuk ad hoc. Ini menyebabkan kita tidak dapat mencapai tujuan zakat dan wakaf dalam menyelesaikan masalah masyarakat Islam.

"Perkara ini perlu kita tangani tanpa kelengahan atau teragak-agak," katanya dalam ucapan pada Persidangan Antarabangsa Mengenai Zakat: Ke Arah Penubuhan Pertubuhan Zakat Antarabangsa di sini, semalam. Turut hadir, Menteri di Jabatan Perdana Menteri, Datuk Dr Abdullah Md Zin dan Presiden Dewan Perniagaan dan Industri Islam, Sheikh Salleh Abdullah Kamel.

Abdullah berkata, Malaysia sanggup menyediakan sumber bagi merealisasikan cadangan penubuhan Pertubuhan Zakat Antarabangsa.

Beliau yang juga Pengerusi Pertubuhan Persidangan Islam (OIC), sebelum ini mengemukakan

cadangan penubuhan Pertubuhan Zakat Antarabangsa pada Sidang Kemuncak Menteri-Menteri Luar OIC yang berlangsung di Makkah pada pertengahan tahun ini.

Berikutan itu, beberapa pertemuan susulan diadakan di Putrajaya termasuk menyampaikan penerangan berhubung cadangan itu kepada pegawai dalam bidang ekonomi dan organisasi zakat serta ulama negara ini.

Abdullah berkata, wang zakat perlu digunakan yang manfaatnya mempunyai kesan berterusan terhadap negara penerima.

"Saya cadangkan agar wang zakat digunakan bagi membangunkan sumber pembangunan, terutama dalam bidang pembangunan insan. Kita tidak patut melihat zakat sebagai amal kebajikan atau sebagai satu bentuk bantuan jangka pendek bagi mereka yang memerlukan.

Abdullah menyenyu negara Islam yang lebih bernasib baik memberi komitmen terhadap usaha itu.

"Kejayaan strategi digunakan dalam usaha ini bergantung kepada kerjasama semua pihak dalam mengemblem sumber mereka miliki.

"Saya harap negara Islam lain serta kumpulan umat Islam lebih besar serta individu dari seluruh dunia tampil memberi sokongan kepada perjuangan mulia ini," katanya.